

UMETNOST PREŽIVLJAVANJA

KAKAV BI TREBAO BITI SITEM SOCIJALNE ZAŠTITE?

IZNOS NAKNADE BI TREBALO USKLADITI SA POTROŠAČKOM KORPOM

Sad kako je poskupilo sve u državi, i ta voda, struja, te sve stvari, to sve utiče na nas, a ta socijala se uopšte ne miče, ona ostaje kako jeste. Ona treba da se poveća, je li.

Adnan, korisnik socijalne naknade

NEDISKRIMINATORAN I PRAVIČAN

Mislím da bi bio dobro, neću reći izjednačiti, zato što i ja smatram da RVI trebaju imati više, ali ne smije razlika biti 1600 maraka. Može imati 200-300 maraka više od mene i treba da ima. To ću ja uvijek reći i to je tako. To su ljudi koji su se borili tu, on jednostavno nije morao to da radi. Ali mislim praviti toliku razliku, znaš na šta to meni liči, ono kao zavadi pa vladaj.

Armin, korisnik socijalne naknade i penzije, osoba sa invaliditetom

TREBALA BI BRINUTI O KORISNICIMA SOCIJALNE NAKNADE

Država bi se trebala malo pobrinuti o ovim socijalnim slučajevima, da malo više povedu evidenciju o tim ljudima, da im se više pomogne, da im se malo poveća davanje, jer ja od sto osamdeset dvije marke, niđe me, nigdje, ni na mapi me nema, al' eto.

Esma, korisnica socijalne naknade

OMOGUĆITI ZAPOSLENJE

Najbolje pos'o da mi da, da sebi zaradim, ne bi ni bio socijalni slučaj, ne bi ti ni tražio, što bezveze da tražim kad radim ja, ne treba mi... 'vako čekaš kad će ti dat milostinje. Država je dovela borce do sirotinje. Da im je dala pos'o, ja ne bi bio sirotinja, ja bi bio čovjek sad normalan. Kad se borio, svi su bili dobri, a sada kako je rat stao, niko te ne gleda.

Damir, osoba sa invaliditetom, supruga prima socijalnu naknadu zbog dijagnosticirane shizofrenije

NAKNADE BI SE TREBALE ISPLAĆIVATI NA VRIJEME

Ja kažem opet primanja i kakva god su, samo da ja znam da će to biti prvog i čao. Nego ovako, to će biti 5-og, 10-og., pa misliš 15-og, 20-og., pa je prošao mjesec i nisi dobio ništa i šta ćeš onda? Dan je kad nemate jako dug, kao godina.

Lejla, njen suprug prima socijalnu naknadu zbog stanja u kojem se nalazi (vigilna koma)